



## ҚАРОРИ

2020 йил 30 декабрь

№ 123-11-21

### Bulung'ur Pedagogika kollejida Koronavirus pandemiyasi sharoitida 2020/2021-yilgi o'quv yilini boshlash tartiblari to'g'risida

Bulung'ur Pedagogika kollejida ta'lif oluvchilarning Koronavirus pandemiyasi sharoitida xavfsiz ta'lif-tarbiya olishini ta'minlash hamda o'quvchilar o'rtasida o'tkazilgan so'rovnomalar natijalaridan kelib chiqqan holda, O'zbekiston Respublikasi Bosh vazirining 2020-yil 24-avgustdag'i yig'ilish bayonidagi topshiriqlar ijrosini ta'minlash maqsadida, Xalq deputatlari tuman Kengashi

#### QAROR QILADI:

1. Bulung'ur Pedagogika kolleji direktori Y.Jumanazarovaning "Bulung'ur Pedagogika kollejida Koronavirus pandemiyasi sharoitida 2020/2021-yilgi o'quv yilini boshlash tartiblari to'g'risida"gi axboroti ma'lumot va ijro uchun qabul qilinsin.
2. Bulung'ur Pedagogika kolleji direktori Y.Jumanazarovaning Pedagogika kollejini 2021-yil 11-yanvar kuni ochish to'g'risidagi taklifi asosida tuman Tibbiyot birlashmasi (N.Qorjabov) va Sanitariya-epidemiologik osoyishtalik markazi (A.Ummatov) kollejning faoliyatini yo'lga qo'yishga tayyorligi va karantin qoidalariga javob berish holatini o'rgangan holda o'quv yilini boshlashi bo'yicha xulosa tayyorlasin.
3. Tuman hokimi o'rinosari (B.Ilchiyev), Bulung'ur Pedagogika kolleji (Y.Jumanazarova), tuman davlat sanitariya epidemiologiya osoyishtalik markazi (A.Ummatov) larga:

kollejda an'anaviy ta'lifni boshlashda "Sinf rejimi" tartibida o'qish belgilansin, bunda, o'quvchilarning xonama-xona ko'chib yurmasliklari belgilab qo'yilishi;

kollej o'qituvchilarini koronavirusga test topshirilinishini ta'minlash;

kollejda alohida izolyatsiya xonalari tashkil qilinishi;

kollejga kirish joyi, sinfxonalarda qo‘lni zararsizlantirish uchun mo‘ljallangan sanitayzerlar, qo‘l yuvish uchun zarur vositalar bilan ta’minlanishi hamda qo‘l yuvish joylari uchun alohida xavfsiz urnalar tashkil qilinishi;

kollejda barcha tibbiy niqobda bo‘lishi, niqobni qo‘llash muddati

- 3 soatdan oshmasligi kerak. O‘qituvchilar niqobdan foydalanish bo‘yicha ko‘nikmaga ega bo‘lishi va o‘quvchilarda buni nazoratga olishi;

tanaffuslar vaqtida bir sinf o‘quvchilarining boshqa sinfdagilar bilan aralashib ketmasligini ta’minlanishi;

kollej faoliyati davomida har qanday ko‘rinishdagi ommaviy tadbirlarni o‘tkazish ta’qiqlanishi;

kollej hududida oshxona, bufetlar ishlamasligi, hamda aholi, tadbirkorlar tomonidan kollejga turli yegulik mahsulotlari olib kelishga yo‘l qo‘yilmasligi;

kollejda imkoniyat bo‘lganda darslarni ochiq havoda o‘tkazish tavsiya qilinsin, bunda o‘quvchilarni sog‘lig‘iga ta’sir ko‘rsatmaydigan darajada ob-havo harorati bo‘lishi shart;

kollejda bir sinf o‘quvchilari orasida 3 nafardan ko‘p kishida koronavirus aniqlansa, bu sinf karantinga yopilishi hamda ular uchun darslar an’anaviy shakldan onlayn shaklga o‘tkazilishi.

kollejda epidemiologik holatlar tuman sanitariya-epidemilogik osoyishtalik markazi xodimlari tomonidan qat’iy monitoring qilib borilishi;

Ushbu belgilangan me’yorlarlarga amal qilmagan rahbarlari qonun doirasida qat’iy jazolanishi belgilab qo‘yilsin.

4. “Bulung‘ur xayoti” gazetasi bosh muxarirri (G.O’rolov) ga ushbu qaror ijrosi bo‘yicha hududlarda amalga oshirilayotgan ishlarni keng yoritib borish tavsiya etilsin.

5. Ushbu qarorning ijrosini nazorat qilish Xalq deputatlari tuman Kengashining Ijtimoiy-madaniy rivojlanish masalalari bo‘yicha doimiy komissiyasi (Sh.Axmedov), tuman hokimi o‘rinnbosari (B.Ilchiyev), Bulung‘ur Pedagogika kolleji (Y.Jumanazarova)lar zimmasiga yuklatilsin.

Tuman Kengashi raisi

 B.Baxramov